

خزینہٴ اوراق

نومبر
۳۷

تاریخ تاسیس
۱ مایس سنہ ۱۲۹۷

جمعہ ابرتسی

عمومی اعتباریہ فنونہ دائر رسالہ ادیبہ در

آیدہ درت کرہ اولہرق جمعہ ابرتسی کونلری چیقار

صدر سابق عالی پاشادن رشید پاشا

حضر تلرینہ

بو کرہ مغرت بخش ہامہٴ تکریم و تفخیم اولان فرماننامہ
عالیٰ خدیوانہ لرندن استبشار اولنان معاش کیفیتی مجتہد شکر
کذاریدہ ذاتاً عاجز و حیران اولان چاکر عبودیت عنوانلرینی
بتون بتون شاشتہمدر مجرد اثر شفقت و مرحمت جناب
پادشاهی و ثمرہٴ مکارم انظار خدیویلری اولان اشہو عنایت
سنیدیدہ مدار استحقاق اولہٴ بئک ایچون قوللرنده بیسواہ لکدن
بشکہ سرمایہ و سرمایہ سزلکدن غیری وایہ اولمدیغندن رأس
المال حیات و زندگانی و نقدینہٴ انقاسی معدودہٴ کتراندہٴ موقوف
ادعیہٴ مفروضہٴ نزاید عمر و شوکت جناب جہانبانی و مصروف
تمنای تمادیٴ اجلال فخامت حضرت و کالتپناہیلری اولدیغنی
تکرار و فریضہٴ تشکری حقیلہٴ ایفادہٴ درکار اولان عجز و ناتوانی

مکتوبه می از سرنو اعتراف و تذکار ایله اکتفا قلندی هر حالده
رجب ۱۴ سنه ۷۳

آرنودلق خاندانندن اولونیه لی مرحوم سلیم سری
پاشا حقنده سعید بک افندینک سویلدکلری
جانلی بر تاربخدر

مخلصی سری سلیم پاشای حق ایلسون عقباده جنتله بکام
چونکه ذاتی مستقیم الطورایدی دائم ایلردی صداقت التزام
ارجعی امری ایرشدی اکده دفتر عری بو ییل بولدی ختام
عفو ایدوب باجمله تقصیراتی مظهر رحمت قیلله رب انام
ناسه اخبار ایله تاربخن «سعید» سری پاشا جنتی ایتدی مقام

۱۲۹۲

ادبیات

اکرم بک افندینک (شاطو بریان) دن مترجم بر
اثرلنده شمالی امریقاده واقع برنهرک تعریفاتی صروده
مشهود نظر عاجزانه اولان عبارتدر.

(عیناً)

نهرک ایکی ساحلی دخی نظره فوق العاده برر رسم مجسم
و مکلف عرض ایدر.